

AVATILIQUTIT HILAPLU AHIANGUQANIA KANATA UQAUHIT TAPKUNUNGA NUTANGUGAUYUNUT NUNAVUT NANNUT AULAQATIQTIGIKNI PARNAUT

Naunaipkutaq	Uqauhiq
Tamaitnut uqauhit	Atuguminarniqhauaq uqauhiuyut ilaliutikpata titiqanut. Una aturniqhaq pityutitut piqpianguyut naunaiyutitut tapkuat!;uniit <i>Inuit Qauyimayatuqangit</i> (IQ-ngi) tuhagakhat hatqititangata. Ahianguqni tapkuat Avatiliqutit <u>Hilaplu Ahianguqnia</u> Kanata titiqani Ahianguqnia Minnguighiqvit Kanatami taphumunga <u>Minnguighiqvit Kanatami Havakvia</u>
makpigaq 2, Ataniuyunut Nainaqhimayut	Tamna Ataniuyunut Nainaqhimayut unniqtuqtai aturniqhat pityuqitut aulatyutitlu ilagiyai tapkuat aulatyutitut parnautit (naunaipkutagiplugu, ikayuqtigiklutik pivaliatitauhimayut, himmautauniahimayut tapkununga Kangiqhimaqatigigutit MOU-ngi tugangahimayut aulatauninut pinahuaqni ublumimun, akhugutigiyummiqtailu atugauniqhauni tapkuat <i>IQ-ngi</i> atuqni piqatigiplugit naunaiyutitut ihumaliugutitut). Kihimik, tamna Ataniuyunut Nainaqhimayut unniqtungitai aturniqhat uumatyutitut piqyalititutlu ihumagiyaunit. Una tuhagakhaq ilauyukhauyq. Naunaipkutagiplugu, tapkunani <i>Inuvialuit Nunatagutaini Nunaliit Avikhimani</i> <i>Nannut Aulattiqatigit Parnautit</i> tamna nainaqhimayut ilalgit taiguat unniqtuqtai tugangayut kavamatuqatkutni tahamanilu NWT-mi nungutnahuquqtut titiqani taihimanit nannut pityutayut parnautitut pivaliatitauninut, tamna nunguttailinut pinahuaqni tapkunani ISR-nga (hivutuyumun amigaitni atuinaqni ihuaqhihimatitlugit pitquhit Inuvialuit atuqni), aturniqhatlu hivuganagutai akhuqniuyutlu hanmiyai uumayut (hugugutaulat inungnit huliniit, hilap ahianguqnia). Taimattauq, tamna <i>Utiqtitninit Atugakhaliat Nannut (Ursus maritmus) Ontario-mi</i> ilalgit tamaitnut takuni uumayut hamaumanit qanugitnilu nunaqyuaqtami, atuqpiagialgit nayuqtauvaknit hapuhimaninut (piagaliuqvi iglumiutaqaqvut inai, upingami niginiapkvit ukiakhamilu apquhaqpakvit nunat), tamaitnutlu takuni hivuganagutaunihit akhurnaqtitut naunaiqtauyut Ontario-min (hilap ahianguqnia, tuquvaknit ihuilguinit inungnit-nannut aktuatyutitut).
makpigaq 6, Unniqtutit	Ihuaqtaulat ilaliutiyangi unniqtutitut hungmat una parnaut pivaliatihimayanga tamnalun Nunavutmi aturniqhaq gavagiya hilaqyuap nannut aulatauni nunguttailinilu. Piplugit tapkuat atuqpakhimani, kavamatuqatkut aulatyutai parnaut maligaqtigut atugiaqaliqni taiyauhimaliqninut tapkuat nannut uumayut Taihimani Ihumalugiyaunit 2011-mi. Ilittugiplugit tapkuat nunaqyuaqtat nunatagaayutlu pihimaniqhauni havaginut aulatauninut nannut, angigutauhimayut tapkuat nunaqyuami parnautit ilaqarnikhainik ayyikkuhiqtaunikhai tapkuat nunaliit avikhimani /avatqutyaqni nunagiyat parnautit. Piplugit tapkuat Nunavut havagiyai nannut aulatauninut, tamna nunatagaayut angilgagiyauyut tapkununga 12-nut hilaqyuami 19-nut avikhimani amigaitninut tahapkununga avataani nappait hilaqyuap nannuitnut tamnalun, taimaittumik, managementaulatyutitut huliniit piyai Nunavut akhutak atuqpiagtut atuqpiagtittangitut hivutuyumun pihimainnaqni tapkuat uumayut.

	Pigluaqtitlugit pityutai hungmat tapkuat nannut titigaqhimaittangi nungutnahuqugiyayyunut uumayut malikhugit tapkuat <i>Nunavut Uumayunut Piquyat</i> uingaittumik unniqtuqhimayut titiqani, hakugikhigiagutaulaq Kanataup pilaqninut tuhaumatitiniqmik kamagittiaqninut tuhaqhityutai nunaqutimingnut hilaqyuamilu naalaktunut tapkuat titiqat pihimakpata maligaqtiguqyumini piplugit tahapkuat nunguttailininut ihumalutit pipkagaunahuaqpaknit nannunut. Pigluaqtitlugit ilaayut Nunavutmi angiqatigikpiangitkaluaqtitlugit puqtuninut nungutnahuquqnit nannut amigaitni ihuaqhihimanit pipkagauni hilap ahianguqninut ahiilu hivuganagutauyut titiqhimayut tapkunani <i>Nunaqyuaqmi Nannut Nunguttailini Atugakhaliat Kanatamun</i> (2011), piyayut nunaqyuaqmi piyumani tapkuat Nunavut Parnautai angiqhimayai tahapkuat ihumalutit, uqauhigiyai kangiqhimani pityutainut, uingaiyaqtailu tapkuat Nunavut kiugiaqnikhai naamaktunik aulatyutai huliniit taihimayukhat huliniit piyakhat atugiaqaqnit. Kingulliqapamik, anginirpaq pityut akhuqyumiyaaq unniqtutaini tamna inungnut hivuganaitnit ihuittumiklu aktualaqni nannut uumatyutinut. Ilaa inungnut hivuganaitni atuqpiagtugaluaq ihumaalutauqpiaghunilu, piqattiangittuq naunaiyautinik ikayuqhiutininut ihuittumik uumatyutinut aktuqtaunit. Tapkuat titiqat ihuaqhigiagutauyukhat tailugit amigaitni ihumagiyauni piyaunahuatlu auqpiagiangi ilagiyai amigaitninut naliakkungituq ilagiaqni avataanut ikikligiaqniluniit ataanut angigutauyut tugagat amigaitikutaunit. Titigaqhimanitigut, unniqtuttiaqhimayaunigut ilaliutihimaittut piplugit pityutai inungnut-nannut ihuilittautini hatqiqpalianginnartut (naunaipkutagiplugu, atulartuq hanigagut pityutaunit tagiup hikua attakhivaliania inuitlu amigaiqpaliaqpiqnit), tapkuat aktuanit pittailitai havagutit, qanugityutaulaqnilu tahapkuat amigaitninut ikiklivaliani havagutit pityutauniat angunahuaqtauninut haviktakhait (naunaipkutagiplugu, pikpat piyaunahuaq ihuaqhihimanit nannut amigaitni pukkitniqhamik tamaitnut amigangitninut taima tamna ukiumun katitaunit angunahualaqni ihuaqhigiagiaqaqmiyuq amunut piyaunahuaq pukkitniqha amugaitniqhaunia piyautaqat).
makpigaq 7, Unniqtutai taiguaq 3 tamnalu 4	Uingagutikhaq piplugu qanuqtut tamna tatya havagut nannunut angunahuaqni aulatauninut atuliqhimayuq: tahapkuat hilaqyuaqmiuttat hatqiqtihiimayat ihumalagutauni tahapkuat quyagitnaq aulataungittutlu angunahuaqni nannut 1950-ni 1960-nilu. Una pigiagutat hilaqyuaqmi katimaniq 1965-mi tamna pigiagutigiya tapkuat 1973 <i>Ant on thegiguti Nunguttailininut Nannut</i>. Atuqtitlugu uuktugutat uqauhit tahapkuat Angiigutit tamna Kanata pivaliatitat haviktakhanut havagutit pinahuaqhugit atuqnit atuqpiagahuaqni sainiqaqtitlugu tamna Angigut. Tamna Nunavut MOU-ngi piyut kingunigaluagut.
makpigaq 7, Unniqtutit taiguaq 4	Piplugit tapkuat tallimat nannut tikitpaktai nunaqyuat: titiqatigut tapkuat 1973 Angigutit sainiqtauyut tapkunanga Denmark piplugu Akukittuq huli tuniyaungillaktitlugu inmigugutainik nunamittututqanut piqaqninut.
makpigaq 8. Nakataani 3	Atugahuaquyai ilagiaqni ataani titiqat piqagutauni unniqtutit hunat atuguminaqni aaniaqtailinilu amigaitnit ihumagiyauni tapkuat.

makpigaq 8. Section 4	Atugahuaquni ilagiatni tapkuat CITES qanugitni malikhugit 4.1
makpigaq 9. Section 4.3.1, para. 3	Hilaqyuami, tamaita nannut avikhimayut tapkununga 19 “ilagiyai avikhimani amigaitninut”, 13 (ilaungititlugit nannut Ukiurtaqtup Imaqutaini) tapkuat iluanittut Kanata <u>tamnalu/tamnaluniit atuqatigututai tapkununga Kanata Akukittuqlu tamnaluniit United States.</u>
Titigauyaq 1	Atugahuaquyai taqhaliqni tamaat Nunavutagauyup Iluani Nuna uingaiqiakha takulugu tapkuat Belcher Qikiqtat ilagiya Nunavut.
makpigaq 11, Nakataani 4.4.3 Niqauvaktut	Atugahuaquyai unniqtuttiaqhimatqiyat nainaqhimayut naunaiyaiyit nalvagainik piplugit atuqni nunap qangani angunahuaqpaktut hunat qanuqtutlu tagiumi mitqulgit tahapkuatlu angunahuaqpaktut hunat ikayuqhiutini nannut qanugitninut. Tapkuat naunaiyaiyit titigait uumani pityutani uingaittut titiqhimayutlu tahapkuat nattiit ilikkut aturniqhat ilagiyai nannut nigivaktai; maniit, paungat, aqayaitlu ilagiyangittut angiyumik amigaitnita puqtuninut.
makpigaq 12, Nakataani 5.2	Uingaitlugit: “Aulatauni Nunavutmi pinahuaqhimayai atutqikhalaqni angunahuaqnit atuqhugit amigaitni mikhauttaqnit piyauhimayut naunaiyaiyinit naunaiyautit <u>tapkualu Inuit Qauyimayatuqangit.</u> ” tamnaluniit pityutit taphuma titigaqtup unniqtugahuaqta hiuvani ihumaliugutauyut piplugit naunaiyaiyinit kihimik qangahaqlu tahapkuat Inuit Qauyimayatuqangit ihumagiyaualiqut.
makpigaq 13, Nakataani 5.3	<u>Angigutaunit tapkununga Nunguttailini Nannut</u> tapkuangungittuq Hilaqyuami Angigutit tapkununga Nunguttailinit Nannut
makpigaq 14, Nakataani 5.3	<u>Davis Tagiunga</u> tapkuangungittuq Davis Tagiungi
makpigaq 14, Nakataani 5.3	<u>Tamna Kanata-US Angiguta kikliik tahamunga Nigianut Beaufort</u> amigaitynita avikhimanit tapkunungaungittuq nannut quyagitnaq
makpigaq 14, Nannut Aulattauqatigikni, Nakataani 6	Una nakataani naunaiqtat havagini ahiinut nunaqyuaqtat, ahii aulattiviuaqtigat katimayit, ahiiluniit nunaqyuat. Tahapkuat piqatigiknit qanugityutigiya aulatyutinut ihumaliugutit (piluaqtumik angunahuaqnit) amihuniqhani amigaitnit avikhimaniinut. Ilaliutiyat titiqat aturniqattialat piplugit qanuqtut angunahuaqnit pilagutit ahiini pilaqviuninut nunagiyauyuni ihumagiya Nunavut aulatyutinut parnaiyautai (taimaluttauq ahiini).
makpigaq 15, Nakataani 6.6	Tapkuat Maligait tapkununga Hilaqyuaqmi Himmiqtautit Nungutnahuquqtunut Uumayut <u>tapkununga Maniqamiittut Angutikhat Nauhimayutlu</u> (CITES-ngi)

makpigaq 15, Nakataani 6.6	Piiplugit hilaqyuaqmi angigutit: tuhaqhittatuuq nannut titiqhimayut malikhugit tapkuat Maligait Nunguttailinut Tikitpaktut Uumayut Maniqamittunut Angutikhat (CMS-ngi). Ilaa Kanata sainiqataungittugaluq, ECCC –kut ilaulat katimaniqnut uqaqatigiknilu atuqpiaplugit Kanataup aulatyutai nannut hatqititauttiaquplugit.
makpigaq 16, Nakataani 7	Piiplugit hivuganagutauni illitugiyautyutailu tamnalu/tamnaluniit aktualaqnit uumayunut hulivalliq pityutiqtattiaqni pipkagauyukhat qanuqtut aulatauninut havagutit pipkaiyut pilagutinik angunahuarniqmun (ilainnilu qinilat ikikligiaqninut amigaitnit piiplugit aulatauni angunahuarniq) malikhaqtai nunguttailinut pinahuaqnit. Ilanga atuqpiartuq piqaqnia tuhagakhat uqaqatigini tapkuat <i>United States Iqaluit Angutikhatlu Kivgaqtit Nannut Nunguttailini Aulatyutit Parnautit</i> , Nakataani E (Tapkuat malikhaqtut angunahuarniqmun nunguttailiplugit utiqitnahuaqnilu) and tamnalu Ilaliutiyat C (Amigaitni Qanugityutai Angunahuaqniqlu Aulatyutai). Tapkuat USFWS-kut titiqat hakugiktumik qanigutai tapkuat nannut angunahuaqtaulat qanugilagaluaqtitlugit amigaitni ikiklivalianit pituaqata munagiyauni atuqat ilailu atugialgit atuqata piiplugit angunahuarniqmun aulatyutit pitquhit.
makpigaq 16, Nakataani 7	Atugahuaqnitigut talvani hivuani naunaiyutai Nunavutmi Nannut Aulattiqatigigutit Parnautit tapkununga ECCC-kut, tapkununga Parnautit atuttiaqpiagiangi ilagiyai kavamatuqatkut aulatyutainut parnautit “Hivuganaqnit” hutqigauyukhat tapkununga “Akhurnaqnit”. Hivuganaqnit unniqtauhimayut mikhautaunit huliniit pityuhitluniit pipkaihimayut, pityutaulatlu hivunikhami hugugutauninut, nakunngigutauni, tamnalu/tamnaluniit uumayut naunaiyaqtauyut tahamani nunami piyumanianut. Taimaittumik, pityutit tahapkuatut nayuqtauvaknit ahiangugutai hilap ahianguqnianit ulapihautinitluniit umiaqpaknit nakuuninit hivuganagutauyut, taimaatut pityutit tahapkuatut amigaitni kikligiyai himmautauyutlu akhuqnaqnit atuqpalianinut, kihimik pingittut tapkununga inmingnutlu hivuganaqnit. Aulani hivuganaqnit nakuuniqhamik piyauyut taiyagangata, puqtutqikni, taiyaunilu aulatyutai huliniit naunaigangata ihuaqhigiagutit pittailiniluniit aktuaninut. ECCC-kut atugahuaquyai aviktaunit Nakataani 7 atuniqtitninut nakataini tapkuat “Hivuganaqnit” tapkuatlu “Aulatyutainut Akhugutit” anginiqhamiklu tuhaumapkautai hivuganahutauninut naunaiyaqni hivulliutyaqnilu.
makpigaq 16, Nakataani 7.4.1	Hilap ahianguqni huvalagiyaungitnahuat nunguttailinut hivuganaqnit. Tapkunani Nunavut Parnaut pihimayut titiqnia ataani taphuma 4^{ng}a puqtutqiknia hivuganaqni (nayugauvaktut ahianguqni), taimalu ahiini naunaiyutini (IUCN-kut Aupayaqtumik Titiqtai, Nunaqyuaqmi Nannut Nunguttailini Atugakhaliat Kanatamun, Ontario Utiqtitninut Parnaut, ISR-kut Katutyiqatigit Aulatyutit Parnaut) hilap ahianguqnia/tagiup hikua tamainia puqtutqiktauyut quttikniqhamik hivuganagut. Atugahuaquyauni pipkaqni akhuqyumininik naunaiyaqni naunaiyutit titiqat uumunga pityut takukhautitai tahapkuat hivuganaqnit kangiqlimayauttiaqtut. Tamna uqauihiq “Pigaluaqtitlugu aglivaliani naunaiyainiqmun naunaipkutat atatyutai

	aktuanit hilap ahianguqnianut mikhivaligutauyut timip qanugitnianut nannuni nalautagauyutlu amigaitnit ikiklivaliani, ikiklivaliangittut tatya piplogu hilap ahianguqnianut” tamna nalaumangita naunaiyainiqmun naunaipkutaqnut. Takulugu naunaipkuta: Regehr, E.V., Lunn, N.J., Amstrup, S.C. tamnalu Stirling, I. 2007. Aktuanit tagiup hiquptiqnagiqniant annauman amigaitnilu nannut pinginaani Hudson Bay. Makpigaliugai Angutikhat Aulaninut 71:2673-2683. Lunn, N.J., Servanty, S., Regehr, E.V., Converse, S.J., Richardson, E. tamnalu Stirling, I. 2016. Hiamauamani ahiagut angunahuaqtit kikligiyani tikitpaknit – aktuanit ahianguqni tagiup hikua nannutnut tahamani Hudson Bay. Uumatyutinut Atuqnit 26:1302-1320.
makpigaq 18, Nakataani 7.5, Amigaitni kikligiyai	Amigaitni Kikligiyai, tapkuangungittuq Amigaitni kikligiyai. Malikhugit atuqni anginaqni hivulliq titiqat naunaiyaqtakhat nakataini taiguhit tamaitnut tapkuat titiqani. Nakataani nappaa tamna 7.5 utirtaqhimayuq malgukni nakatakni titigaqni.
makpigaq 19, Nakataani 7.5, Amigaitni kikligiyauni	Tamna naunaiyaiyinit ihumagiyat nannut aulanginangittut allatqini maniqani Kanatamiuni Ukiurtaqtuani (una naamaktumik naunaipkutaq quyagitnaq tuhagakhani, titigaqtitaqnut tuhagakhaq, angunahuaqninutlu utiqtitni tuhagakhaq). Kihimik tamna naunaiyainiqmun tuhagakhaq kivgaqtutauyuq amigaitninut piplogu hutqikninut aulatauni avikhimani ihumagiyauyut amihuiqtaqnit tapkununga ungahiktumun hiamauamani huliniit atuqnit.
makpigaq 19, Nakataani 7.5, Nannut Inuitlu	Ilaa atuqniliq naunaiqni tapkuat Kavamatkut Nunavut piqaqtut atuttiaqtunik pittailininut havagutit atuqtauni mikhigiaqninut inungnit-nannut ihuilittautai.
makpigaq 19, Nakataani 7.5, Nannut Inuitlu	Atugahuaquni piqaqtitni uqauhiuyut unniqtutitluniit pitaqviuninit tuhagakhat taphumunga uqauhiqmun ilittugiyauyumun amihuni inaini humiliqak Nunavut pihimani amigaiqpaliqni nannut tatya tapkunangaunganit 40 tamnaluniit 50 ukiuni qangiqituni.
makpigaq 21, Nakataani 8.1.1, Angunahuaqnit Aulatauni	Tamna unniqtuta angunahuarniqmun aulatauni unniqtuttiaqhimaqpiagtut. Tapkunani <i>Nunaqyuaqmi Nannut Nunguttailini Atugakhaliat Kanatamun</i> (2011) angunahuaqni qulaani haviktakhalgit titiqni nungutnahuqugiyauyunut. Una aulatyutitut atuttiaqtuq atugaulaqlu ilaliutinia angunahuaqni qulaani haviktakhat nungutnahuqugiyanut uumunga aulatyutitut parnaut. Tamna tuhagakhaq piqaqtitaquyq uumani nakataani taima takukhautitat tahamna Nunavut piyai hivuganaqni akhugutigiplugit atuqtailu naamaktumik aulatyutinut hugiaqni atuqpiagiangi angunahuaqni ihuaqhihimanikhai huniumaitnikhatlu hivunikhamun. Mikiyut pityutit/apiqutit: Atungitni TAH-ngi atuqtitni piittuq piyagangata nutat amigaitni mikhautnit

	piyauyagangata? Piqagutauyut atuqtunut pipkaqni Inutuqat angunahuarniqmun piagaqmik pilagut tuniyauyagangat hivuani?
makpigaq 24, Nakataani 8.2.1, Ilihimaliqpalliqli	Ilaa ilia tuhagakhat katitaulaqtugaluit angunahuaqtinit tamaitaungittuq tahapkuat tuhagakhat piyalgit aktuaninut aulataunit pitagaulaittut ukunanga.
makpigaq 26. Nakataani 8.3	Atugahuaquni ahianguqni titiqvi naunaipkutai: Nakuuhivalliqli munaqhityutai halumailgut <u>aaniagutitlu</u> hugiagahuaqhugit aaniaqtailiniqmun ihumaalutit piplugit nigiyauvakninit
makpigaq 28, Nakataani 8.5.2	Uingaiqli pityutit pinahuaqhugit aulattiqatigikni humiliqak nunatagiyaayunit kayuhyut tahapkunanilu nutani pigiagutit atugiaqaqtitninit.
makpigaq 29. Nakataani 9	Tamna pinahuaqtauyuuq unniqhimayuuq atuqpalianinut nakataani tapkunanga pinahuaqnit uqaqhimayai talvani unniqtuhaqninit parnautini piluaqtumiklu pinahuagaqmi qaqqhimayainit Nakataani 3.
makpigaq 29, Nakataani 9	Ahianguqni tatya atuqtunit TAH-ngi <u>haviktaittutluniit kikliyai tahapkuatut aqnalluni anguhalluni tikkuagait</u> angunahuaqni atuqniat utaqilugu nutaq tuhagakhaq pilaqtaunia,...
makpigaq 30-32. Nakataani 9 – Atuqpalianinut titigat	Tamna tuhagakhaq ilauyuuq titiqani atuqniqaqpiartuq. Tapkuat nakuuhivalilat ilaliutihimanigut taihimayut huliniit, pivikhai, atulaqnilu kiinauyanit qanugityutauni atuqninit ukiunut. Atugahuaquni hugiaqnit: Pivaliatitni ilihautinut havagutit tahapkununga Inuit nunaliuyuni pingutittangi tapkuatlu Inuit tuhagakhat katitaunit havagutit... puqtuhivaliqni puqtuniquhamik hivulliutyaqninit Akhupyak qitiqpanihuaqnilu atuqtauyut kipuktalaqninik. Augahuaquni niguaqnit atauhiq pivikhat malikhagianguit.
makpigaq 31, Nakataani 9.3	Amihut tahapkuat huliniit ilalgit malikhugit Avatiliqutit kamagittiaqnit naliqagikninut ihumagiyaayutUkiurtaqtumiunut Huliniit Parnautit. Ikayuqhiutitlaq taininut tahapkuat tuhagakhat tuhaqhititlu katitauni Nunavutmi ilaliutyaqni hilaqyuaqmi angigutinit.
Ilaliutiyaa A	Apigutigini pinnagiyauni ilaliutyaqninit tapkuat PBTC-ngi qanugitni titigat aulatyutini parnautit piplugit nutanguqtauhiimanit ukiuq tamaat utuqanguqtauhaqaitmata. Atugahuaquni tapkuat naunaipkutai qagitauyakkuvikmilu atatyutai piqaqtitaulat tugagutikhainut taiguaqtut titigaitnut.

Ilaliutiyaq B	Qanugitni qauyihaqni naunaiyaqtakhat nutanguqtiqlugitlu amihut amigaitninit avikhimanit ilagiyai. Uingaiyaqni piyaqaqmiyuttauq ilainut hunat. Tahapkuat ilalgit: Baffin Kangiqhuk tamnalu Kane Kangiqhuk– nutanguqni nutanut tuhagakhat Davis Strait, Foxe Basin, Nigiqpani Hudson Bay – tamnalu Nunavik TAH-ngi haviktakhaungittuq, una nappaa pihimava qangahaq angunahuaqni amigaitninit Ungalaani Beaufort Tagiunga – tamna nappaa atuqtauuyuq parnautini ayyikkutagingita nappaa atuqtauuyuq talvani ISR-ngi. Una unniqta pityut qanuqtut Nunavut aulattiniagiakha piqqaqat allatqinik aulatyutit ihumagiyauni tahapkunanga qanittuqhiginut nunatagauyunit tahapkuat angunahuaqni atauttit amigaitninit avikhimanit. Ningiqpaani Hudson Bay – nutanguqni nutanut tuhagakhat
Ilaliutiyaq C, tamnalu D	Atugahuaquni pigiaqni atuni attataqnit nutami makpigaqmi. Ilaliutiyaqni C piittuq taiguhianik titigai.
Ilaliutiyaq E	Atugahuaquni ilaliutini titiqat naunaiyaqni piqatigilugit titigatluangi tapkuat titiqat ilikkungittuq Attataqhimayumi. Haumiani titiqat kiklia ihuaqhigiaqtukhaq.